




Broj 2
April 2011.

INFORMATIVNI BILTEN

**BRIGADE TAKTIČKE
PODRŠKE OS BiH**

Komandant NATO štaba uputio zahvalnicu pripadnicima Bataljona vojne policije



Na adresu Komande brigade taktičke podrške stiglo je pismo zahvale od strane Komandanta NATO štaba u Sarajevu namijenjeno pripadnicima Bataljona vojne policije, za profesionalno izvršavanje dužnosti prilikom osiguranja vojne delegacije na čelu sa admiralom Samuel J. Locklear – Komandantom Zduženih snaga NATO za Europu sa sjedištem u Napulju, Italija. Pripadnici Bataljona vojne policije svojim su profesionalizmom i odličnim angažmanom zajedno sa pripadnicima NATO-a osigurali uspješno izvršenje ovog zadatka, te su još jednom dokazali da su pouzdani, inicijativni i vrijedni partneri, obučeni i spremni za različite najsloženije i osjetljive situacije, posvećeni izvršenju misije.

ZAJEDNIČKA VOJNA OBUKA

BATALJONA VOJNE POLICIJE OS BiH I VOJNE POLICIJE US ARMY

Jedinica vojne policije Brigade taktičke podrške upućena je na zajedničku vojnu obuku sa jedinicom vojne policije 172. pješadijske brigade OS SAD, a koja se realizira u periodu od 18. marta do 11. aprila 2011. godine u bazi Hofesfeld i Granfenwoeh u Saveznoj Republici Njemačkoj.



Sastav jedinice vojne policije OS BiH čine 94 pripadnika od čega je 77 pripadnika bataljona vojne policije Brigade taktičke podrške i 17 pripadnika iz sastava vodova vojne policije 4., 5. i 6. pbr. Na ovu vježbu upućena su 23 novoprimitljena vojnika (u ovom sastavu je i 5 žena novoprimitljenih vojnika), koji po prvi put imaju priliku svoja znanja i vještine stečene na dosadašnjoj obuci implementirati na ovakvoj vježbi.

ZAVRŠENA OBUKA PRIPADNIKA INŽINJERIJSKOG BATALJONA

Pripadnici inženjerskog bataljona, 20 pripadnika, uspješno su završili obuku, u periodu od 31.01. do 04.03.2011. godine, koju su s njima izvodili austrijski mobilni trening tim EUFOR-a.

Primarni cilj bila je obuka mladih oficira i podoficira i njihovo osposobljavanje da djeluju kao inženjerski instruktori u svojim jedinicama, te da na jedan profesionalan i kvalitetan način prenesu svoja znanja i obuče ostale pripadnike ove jedinice za realizaciju jednog od osnovnih zadataka OS BiH – pomoć civilnom stanovništvu u slučaju prirodnih katastrofa. Ovaj veoma zahtjevan trening uključivao je i teoretsku i terensku obuku.



Akcija dobrovoljnog darivanja krvi

Dana 24. 03. 2011. godine u prostorijama kasarne „Zdravko Čelar“ u Derventi je organizovana akcija dobrovoljnog darivanja krvi. Akcija je realizovana u saradnji sa Opštinskom organizacijom Crvenog krsta Derventa. Realizaciju ove aktivnosti izvršila je transfuziološka služba iz Doboja. U ovoj akciji 67 lica je pristupilo dobrovoljnom darivanju krvi od čega su 22 pripadnika inženjerskog bataljona.

DRUGA FAZA OBUKE ČETE ABHO SA TIMOM EUFOR-a

Polaznici druge faze obuke sa timom EUFOR-a realizovali su dana 11. i 14. 03.2011. godine posjetu Termoelektrani Tuzla i Koksno – hemijskom kombinatu „G I L I K“ Lukavac. Tom prilikom su predstavnici navedenih preduzeća upoznali starješine čABHO o sistemu upravljanja sa toksičnim industrijskim materijalima i mjerama zaštite od istih. U narednom periodu čABHO će izraditi procjenu rizika i identifikovati ključne tačke eventualnog nekontrolisanog ispuštanja toksičnih industrijskih materijala u navedenim preduzećima i obuhvatiti koje su to sve hemijske materije potencijalno opasne za okolinu.





POSJETA BATALJONU VEZE

Brigadir mr. Esad Šejtanić, komandant brTP i brigadir Osman Aitač, šef Tima EUFOR-a sa delegacijom, posjetili su bataljon veze brTP i polaznike kursa „Komunikacije i informatički sistemi“ u kasarni „Miloš Obilić“ na Palama.



Ovom prilikom brigadir Aitač izrazio je zadovoljstvo načinom izvođenja obuke te uslovima za nastavak II ciklusa obuke i pohvalio bataljon veze zbog nesebičnog angažovanja

oko osiguravanja uslova za uspješnu realizaciju kursa.

Završetak realizacije „OSNOVNOG EOD KURSA“

Praktičnim dijelom izvođenja obuke masovnih uništenja NUS-a polaznici „Osnovnog EOD kursa“ su dana 31.03.2011. godine na poligonu „Odlučna barbara“- Glamoč završili sa realizacijom specijalističke obuke.



Tokom obuke polaznici „Osnovnog EOD kursa“ su upoznati sa oznakama municije, opštim podacima o eksplozivu, upaljačima i njihovoj funkciji, osnovama

uništenja, mjerama sigurnosti kao i sa realizacijom izvršenja praktičnih vježbi masovnog uništenja NUS-a. Od 19 polaznika obuke kroz kvalifikacijske kapije na kojima se ocjenjivalo stečeno znanje 9 polaznika je uspješno zadovoljilo zadate standarde i njima su 01.04.2011. godine dodjeljeni cetrifikati tehničara za uništenje NUS-a.

ŠAHOVSKO PRVENSTVO NA NIVOU OS BiH

U organizaciji Komande za logistiku OS BiH, u vremenu od 07. do 10. marta 2011. godine, u Doboju je održano prvo šahovsko prvenstvo na nivou OS BiH. U pojedinačnom plasmanu najbolji rezultat je postigao major Zoran Spasenović iz sastava Brigade taktičke podrške dok je u ukupnom poretku Brigada taktičke podrške bila drugoplasirana sa 16,5 bodova što je samo pola boda manje od prvoplasirane ekipe 6. pbr.

KVALIFIKACIJE ZA POJEDINAČNO I EKIPNO PRVENSTVO OS BiH U STRELJAŠTVU (VAZDUŠNA PUŠKA)

U Brigadi taktičke podrške završene su kvalifikacije za pojedinačno i ekipno prvenstvo u streljaštvu, vazdušna puška, a koje se na nivou OS BiH održava od 12. do 14.04.2011. godine u organizaciji 5.pbr u Tuzli.



Ekipu brTP čine po 5 najbolje plasiranih strijelaca za mušku i žensku ekipu. Vođa ekipe brTP je brigadir Nenad Garić.

Mušku ekipu čine: kapetan Saša Perić (VOB), poručnik Ismir

Šuman (bVP), stariji vodnik I kl. Ivica Petrović (VOB), stariji vodnik I kl. Predrag Kazanović (k-da brTP) i stariji vodnik Amir Softić (bVP). Žensku ekipu brTP čine: poručnik Jasmina Omerbegović (k-da brTP), vojnik Adisa Trešnjo (bVP), vojnik Naida Kljajić (v), vojnik Edita Hodžić (v) i vojnik Dina Talić (demb).

PREDAVANJE U ORGANIZACIJI UREDA VOJNOG MUFTIJSTVA

Ured vojnog muftijstva počeo je sa realizacijom predavanja namijenjenih pripadnicima OS BiH u 2011. godini, a koji tretiraju različite oblasti i teme iz svih segmenata društvenog života. U kasarni „Rajlovac OS BiH“ 10. marta 2011. godine brigadir dr. Zemir Sinanović održao je prvo predavanje u ovom ciklusu na temu: „Socijalno isključivanje i suicid“ a koje je namijenjeno pripadnicima jedinica stacioniranih na ovoj lokaciji.



prijedlog grba
**BRIGADE
TAKTIČKE
PODRŠKE**